

I. DISPOSICIÓN XERAIS

PRESIDENCIA

Lei 1/2009, do 15 de xuño, de modificación da Lei 11/2008, do 3 de decembro, de pesca de Galicia.

A Lei 11/2008, do 3 de decembro, de pesca de Galicia, foi publicada no *Diario Oficial de Galicia* o 16 de decembro de 2008. De conformidade coa súa disposición transitoria cuarta, esta lei, salvo o seu capítulo I do título IX, referido á Axencia de Desenvolvemento Sustentable das Zonas de Pesca, xa vixente, debería entrar en vigor aos seis meses da súa publicación no *Diario Oficial de Galicia*.

A súa entrada en vigor implicaría unha nova reorganización da Administración pesqueira, coa extinción do Instituto Tecnolóxico para o Control do Medio Mariño de Galicia como ente de dereito público que exixiría a creación dunha nova unidade na estrutura orgánica da consellaría competente en materia de pesca, así como a substitución do Servizo de Gardacostas polo Servizo de Inspección e Vixilancia Pesqueira.

Esta nova reorganización debe ser valorada de acordo cos principios de eficacia, austeridade e economía que deben guiar a actuación e organización administrativa do novo Goberno de Galicia.

Por iso, para evitar a súa inmediata entrada en vigor e o incremento dos custos de persoal e económicos que isto supoñería, debe procederse a ampliar o prazo de seis meses establecido para a súa entrada en vigor.

Por todo o exposto, o Parlamento de Galicia aprobou e eu, de conformidade co artigo 13.2º do Estatuto de Galicia e co artigo 24 da Lei 1/1983, do 23 de febreiro, reguladora da Xunta e da súa Presidencia, promulgo en nome de El-Rei, a Lei de modificación da Lei 11/2008, do 3 de decembro, de pesca de Galicia.

Artigo único.-Modificación da Lei 11/2008, do 3 de decembro, de pesca de Galicia.

A Lei 11/2008, do 3 de decembro, de pesca de Galicia, modifícase nos seguintes termos:

A disposición derradeira cuarta da Lei 11/2008, do 3 de decembro, quedará redactada do seguinte modo:

«Esta lei entrará en vigor aos doce meses da súa publicación no *Diario Oficial de Galicia*.

Á entrada en vigor desta lei, seguirán vixentes aquelas disposicións que non foron derogadas expresamente naqueles artigos que non contradigan o disposto nesta lei.

O disposto no primeiro parágrafo desta disposición non lle será aplicable ao capítulo I do título IX des-

ta lei, referido á Axencia de Desenvolvemento Sustentable das Zonas de Pesca, que entrará en vigor o día seguinte ao da súa publicación, nin á disposición adicional oitava, que entrará en vigor aos seis meses da publicación desta lei».

Disposición derradeira

Única.-Esta lei entrará en vigor o mesmo día da súa publicación no *Diario Oficial de Galicia*.

Santiago de Compostela, quince de xuño de dous mil nove.

Alberto Núñez Feijóo
Presidente

II. AUTORIDADES E PERSOAL

b) NOMEAMENTOS

PARLAMENTO DE GALICIA

Resolución do 9 de xuño de 2009 pola que se fai público o acordo do Pleno do Parlamento de Galicia relativo á elección dos membros do Consello de Administración da Compañía de Radio-Televisión de Galicia.

O Pleno do Parlamento, en sesión celebrada o día 9 de xuño de 2009, e de conformidade co preceptuado no punto 1º do artigo 4 da Lei 9/1984, do 11 de xullo, acordou elixir como membro do Consello de Administración da Compañía de Radio-Televisión de Galicia a:

- Antelo Pazos, Manuel.
- Araújo Rodríguez, Juan Carlos.
- Bastida Domínguez, María.
- Cid González, Roberto.
- Fernández Vázquez, Adriana.
- Iravedra Lestal, José Luis.
- Jiménez Morán, Juan Manuel.
- Maneiro Vila, Arturo.
- Meijide Gómez, Higinio.
- Peón Piñeiro, Ana Isabel.
- Prado Cores, Montserrat.
- Rodríguez Calvo, Carlos Alberto.

O que lle comunico para o seu coñecemento e efectos.

Santiago de Compostela, 9 de xuño de 2009.

Pilar Rojo Noguera
Presidenta do Parlamento de Galicia